



Independent
Living Centre
of WA (Inc)



Centar za nezavisan život WA (Inc)

Centar za nezavisan život (Independent Living Centre) pruža besplatne i nepristrane informacije i savjete, pomažući vam tako da izaberete proizvod koji vam najbolje odgovara

The Niche, Suite A,11 Aberdare Road, NEDLANDS WA 6009 Telefon: 1300 885 886 Informativna linija: (08) 9381 0608

Kriteriji za Izbor visećeg sjedišta

Viseća sjedišta

Viseća sjedišta se koriste u kombinaciji sa pokretnim ili fiksnim dizalicama, za dizanje i prenašanje nepokretnih ili onesposobljenih osoba.

Sjedalo bi trebalo da bude udobno i sigurno za osobu koja u njemu sjedi i s druge strane, jednostavno za rukovanje osobi koja upravlja dizalicom. Ukoliko je korisniku sjedenje neudobno, veća je vjerojatnost da će se dizalica rjeđe koristiti.

Vrste visećih sjedišta

Viseća sjedišta dolaze u više različitih veličina i oblika, ovisno o proizvođaču.

Neki proizvođači nude izradu sjedala po mjeri, da bi ono u potpunosti odgovaralo korisniku.

U osnovne vrste visećih sjedišta spadaju:

Sjedišta za opću namjenu sa razdvojenim prostorima za noge i naslonom za glavu:
Prikladna za osobe kojima je potrebna podrška za cijelo tijelo i glavu.

Sjedišta za opću upotrebu sa razdvojenim prostorima za noge, bez naslona za glavu:

Kao prethodna, samo bez naslona za glavu. Pogodna za osobe koje mogu kontrolirati držanje glave. (Trake koje razdvajaju prostore za noge su prekrštene u sredini, ne smije da ih se ostavi neprekrštenima ili da ih se stavlja ispod butina.)

Sjedišta u obliku ležaljke:

Sjedišta za cijelo tijelo sa podrškom za glavu i dijelovima za noge (koja nisu razdvojena). Može da ih se stavlja i skida jedino dok osoba leži u krevetu. Mogu imati komodnu aperturu. Nisu pogodna za dizanje osoba u sjedećem položaju.

Sjedišta u obliku ležaljke, sa zasebnim prostorima za noge:

Poput prethodnih, samo što ih je moguće staviti na osobu koja je u sjedećem položaju. Dio koji podržava noge je nešto manje zakrivljen od onoga na sjedalima za opću namjenu

Sjedišta za korištenje na zahodu:




Pogodna za osobe koje imaju dobru kontrolu nad gornjim dijelom tijela i kukovima. Imaju usku traku koja se smješta oko struka, i duge, razdijeljene dijelove za noge. Omogućava lakše uklanjanje korisnikove odjeće prije odlaska na zahod i lakše oblačenje.

Sjedišta sa trakama:

Više se ne preporučuju, uglavnom zbog opasnosti od propadanja i pritiska ispod pazuha.

Stojeća sjedišta:

Koriste se jedino sa dizalicama koje omogućavaju stajanje, i jedino u slučajevima kada korisnik može da sudjeluje u prenašanju svoje težine. Neka od ovih sjedišta dolaze i sa dijelovima za noge, što omogućuje prenašanje osobe u sjedećem položaju.



Materijali od kojih su sjedišta napravljena

Sjedišta mogu biti napravljena od različitih materijala. Vrsta materijala ovisit će o situaciji u kojoj se sjedište koristi, samom korisniku i njegovom tjelesnom stanju.

Materijali:

- poliester mreža/tkanje – vrlo čvrst i trajan materijal sa otvorima koji omogućavaju brzo cijeđenje vode nakon kupanja. Materijal je zbog otvora providan, pa je korisniku kroz njega moguće vidjeti.
- poliester/najlon – gladak i klizak materijal. Lako se čisti, trajan je i brzo se suši.
- laneno platno - čvrsta tkanina koja se ne preporuča za kupanje, budući da se dugo suši. Ne koristi se često.

Dodaci za sjedišta

Većina sjedišta ima najlonske kaiše sa karikama pomoću kojih je moguće podešavati njihovu dužinu. Ove se karike nalaze na osovini sjedišta.


U ostale dodatke ulaze kopče u obliku ključanica, koje mogu da se koriste sa dizalicama koje omogućuju naginjanje ili sa stožerima.

Sjedišta bi trebalo da imaju dodatne karike, koje omogućavaju pravilno postavljanje onesposobljene osobe.

Pitanja na koja treba da se obrati pažnja

- Veličina sjedišta prilično varira, ovisno o njihovom proizvođaču. Potrebno ih je prije kupovine najprije isprobati, kako bi se utvrdilo koji model, materijal i veličina su najprikladniji.
- Sjedala se nikada ne smiju ostavljati ispod osobe koja sjedi ili leži, jer se mogu javiti iritacije i oštećenja kože.
- Dobro je kupiti dva sjedišta za istog korisnika, jer to omogućava njihovo naizmjenično pranje.
- Dodatke i kaiševe za sjedišta je potrebno podesiti prije svakog podizanja ili transfera. Prilikom premještanja osobe iz stolice na krevet, skraćivanje traka koje kontroliraju gornji dio tijela i produžavanje traka za noge, omogućit će postavljanje osobe u ležeći položaj. Kod premještanja osobe iz kreveta na stolicu, potrebno je da se jače pričvrste gornje trake i produže trake za noge, jer to omogućuje postavljanje osobe u uspravniji položaj.
- Da bi se utvrdilo koja je vrsta sjedala najadekvatnija za određeni oblik transfera, potrebno je najprije provesti temeljitu procjenu potreba i mogućih situacija.
- Radni terapeuti Centra za nezavisan život, pomoći će vam da odaberete potrebnu aparaturu i opremu.

Dostupne su vam i ostale brošure o drugim temama



Gdje nas možete naći:

The Niche
Suite A, 11 Aberdare Road
NEDLANDS WA 6009

Recepcija: (08) 9381 0600

Pozivi iz unutrašnjosti:
1300 885 886

Faks: (08) 9381 0611

www: www.ilc.com.au

© Copyright - Independent Living Centre